

Broj: 06-13-5-900-13/21
Mostar, 12.04.2022. godine

Na osnovu člana 21., člana 22., člana 37., člana 38. i člana 87. stav (3) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19 i 1/22), člana 9. stav (6) i člana 33. Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 10., člana 11., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 45. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 46. Pravilnika za izdavanje dozvola („Službene novine Federacije BiH“ broj 2/17, 39/20 i 82/21), člana 14. i člana 15. Pravilnika o nadgledanju („Službene novine Federacije BiH“ broj 18/18), te na osnovu Izvještaja o obavljenom regulatornom nadgledanju imaoca dozvole Operatora za OIEiEK broj 06-13-5-900-12/21 od 26.10.2021. godine, Regulatorna komisija za energiju u Federaciji Bosne i Hercegovine – FERK je 12.04.2022. godine na VIII redovnoj sjednici donijela sljedeće

RJEŠENJE

1. Nalaže se Operatoru za obnovljive izvore energije i efikasnu kogeneraciju kao imaocu Dozvole za rad Operatoru za OIEiEK broj 06-03-290/9/16 od 24.05.2016. godine, preduzimanje sljedećih mjera, u skladu sa uslovima izdate dozvole po tačkama kako slijedi:
 - a) **Obavljanje licencirane djelatnosti**

Tačka 3.1. Dozvole za rad:

Da do 16.05.2022. uredi i dovede u dostupno i pregledno stanje raspoloživu dokumentaciju, koja je osnov za uređenje baza podataka o registrima projekata i dinamičkim kvotama, te redovno i trajno ažurira podatke, a informacije objavi na web stranici Operatora.
2. Operator za obnovljive izvore energije i efikasnu kogeneraciju je obavezan u roku od osam dana od dana otklanjanja nedostataka iz tačke 1. ovog rješenja dostaviti FERK-u izvještaj o izvršenju naloženih mjera i priložiti isprave i dokaze o preduzetom.
3. Ovo rješenje je konačno i stupa na snagu danom donošenja, te se objavljuje na oglasnoj tabli i internet stranici FERK-a.

Obrazloženje

Članom 9. stav (6) Zakona o korištenju obnovljivih izvora energije i efikasne kogeneracije propisano je da rad i poslovanje Operatora za OIEiEK regulišu i nadziru Federalno ministarstvo energije, rudarstva i industrije i FERK, svako u okviru svojih nadležnosti. Članom 33. ovog zakona propisano je, pored ostalog, da upravni nadzor nad primjenom odredbi ovog zakona i drugih propisa, nadzor nad obavljanjem poslova određenih ovim zakonom, nadzor nad zakonitošću upravnih i drugih akata koje donose nadležni organi kao i nadzor nad njihovim postupanjem obavlja Federalno ministarstvo energije, rudarstva i industrije i FERK, svako u okviru svojih nadležnosti, u skladu sa ovlaštenjima propisanim tim zakonom, Zakonom o električnoj energiji u Federaciji

Bosne i Hercegovine, Zakonom o organizaciji organa uprave u Federaciji Bosne i Hercegovine i Zakonom o upravnom postupku, što ne isključuje i saradnju sa drugim nadležnim organima i organizacijama.

U Dozvoli za rad Operatoru za OIEiEK broj 06-03-290/9/16 od 24.05.2016. godine imaoca dozvole Operator za obnovljive izvore energije i efikasnu kogeneraciju, tačkom 7. propisano je da u okviru svojih nadležnosti FERK vrši nadgledanje ispunjenja uslova iz ove dozvole za rad, te da je u cilju ispunjenja uslova iz ove dozvole za rad, imalac dozvole obavezan dostavljati podatke u skladu sa tačkom 4.5. i druge dokumente, podatke i informacije na zahtjev FERK-a, u cilju izvršavanja FERK-ovih nadležnosti u skladu sa zakonskim, podzakonskim aktima, pravilima i propisima FERK-a. Također, propisano je i da je imalac dozvole obavezan obavijestiti FERK o svakoj povredi uslova dozvole u roku od 10 dana od dana kada je povreda nastupila, kao i da ovlašteni zaposlenici FERK-a imaju pravo obavljati redovno i vanredno nadgledanje u prostorijama imaoca dozvole da bi se izvršio uvid u obavljanje licencirane djelatnosti u skladu sa uslovima izdate dozvole, te da je imalac dozvole obavezan saradivati sa FERK-om tokom pripreme i prilikom obavljanja nadgledanja.

U skladu sa Odlukom o usvajanju Plana nadgledanja za 2021. godinu („Službene novine Federacije BiH“ broj 88/20), a u vezi člana 10. stav (1) Pravilnika o nadgledanju, Komisija za nadgledanje imenovana Rješenjem FERK-a broj 06-08-921/19 od 10.09.2019. godine uputila je Operatoru za OIEiEK Obavještenje o nadgledanju broj 06-13-5-900-1/21 od 21.07.2021. godine. Redovno nadgledanje izvršavanja odredbi i uslova iz Dozvole za rad Operatoru za OIEiEK broj 06-03-290/9/16 izvršeno je u prostorijama imaoca dozvole 31.08.2021. godine, a nadgledanje se odnosilo na ispunjavanje uslova iz tačke 3.1., tačke 4.1., tačke 4.5. i tačke 4.7. navedene dozvole.

O provedenom postupku nadgledanja sačinjen je Zapisnik o izvršenom redovnom nadgledanju broj 06-13-5-900-2/21 od 31.08.2021. godine na koji nije bilo primjedbi i koji je kao takav potpisan.

O izvršenom nadgledanju, kao i dokumentaciji primljenoj u FERK 31.08.2021. godine pod brojem 06-13-5-900-3/21, 31.08.2021. godine pod brojem 06-13-5-900-4/21, 06.09.2021. godine pod broje 06-13-5-900-5/21, 08.09.2020. godine pod broje 06-13-5-900-6/21, 10.09.2021. godine pod broje 06-13-5-900-7/21, 10.09.2021. godine pod brojem 06-13-5-900-8/21, 10.09.2021. godine pod brojem 06-13-5-900-9/21, 21.09.2021. godine pod brojem 06-13-5-900-10/21 i 21.09.2021. godine pod brojem 06-13-5-900-11/21, navedena komisija je sačinila Izvještaj o obavljenom regulatornom nadgledanju imaoca dozvole Operatora za OIEiEK broj 06-13-5-900-12/21 od 26.10.2021. godine, koje je dostavljeno imaocu dozvole radi davanja komentara pod brojem 06-13-5-900-12/21 dana 26.10.2021. godine. Komentare na predmetni izvještaj imalac dozvole je mogao dostaviti do 03.11.2021. godine do 12:00 sati.

Do roka ostavljenog za komentare, u FERK nisu primljeni pisani komentari imaoca dozvole. U dopisu broj 06-13-5-1126-2/21, primljen u FERK-u dana 02.11.2021. godine, Operator za OIEiEK je dostavio informaciju da su na svoju web stranicu postavili spiskove kvalifikovanih proizvođača/investitora koji su dobili status privilegovanih/potencijalno privilegovanih proizvođača.

FERK je na 22/21 internom sastanku održanom 11.11.2021. godine analizirao Izvještaj o obavljenom regulatornom nadgledanju imaoca dozvole Operatora za OIEiEK broj 06-13-5-900-12/21 od 26.10.2021. godine, te je utvrdio da je imaocu dozvole potrebno naložiti preduzimanje mjera, navedenih u dispozitivu ovog rješenja, da bi se otklonile sve učinjene povrede izdate dozvole za rad.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja Operator za OIEiEK može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić, s.r.